

թիւնների. քամու մի շունչ — եւ այլեւս չկայ նա :

Այս ամէնը համարձակութիւն են ներշնչուած նրան եւ բանալով իր բերանը, խզում է իր լուսութիւնը եւ դիրի է առնում իր խոհերն ու մտածութիւնները, որպէսզի գէթ դրանով օգտակար լինի իր ազգին եւ իր հետ միասին «ամուր դամբանի մէջ չթաղեն այն, ինչ որ կարող է օգուտ բերել իր հայրենիքին» (38) :

Պէտք է նկատել, որ հեղինակը երբեմն շատ մեծ դեր է վերապահում իր «Որ. Փառացի»ին, համարելով այն որպէս «հնար թեթեւացուցանելոյ ծանրութիւն բռնանց ազգին իմոյ եւ հիմն հաստատութեան վասն կազմելոյ տուն եւ բնակութիւն մեր, որ ի վաղնջուց յոյժ աւերեալ» (130) . կամ՝ «կայցին մի ծանր վասն խորտակելոյ լուծն ծառայութեան եւ ազատ առնելոյ ամենայն բնութիւն մարդոյ» (131) : Սակայն ընդհանրապէս համեստ կարծիք ունի նրա մասին եւ համեստ նպատակ էլ գծում է նրա համար : Նա իր գրքի վրայ նայում է — ո՛չ աւել, ո՛չ պակաս — որպէս մի յուշարարի, մի ազդարարի վրայ, որը «իմաստունների եւ աւելի կարողների մէջ» բարի նախանձ պիտի շարժի եւ նրանց յիշեցնի՝ մի աւելի կատարեալ երկ այդ ուղղութեամբ աշխատասիրելու :

«Ինչ որ իմ կարծիքով համարեցի բարի իմ ազգի եւ աշխարհի համար, այդ ամենը գրի առայ՝ այստեղ, որպէսզի թամանակ-առ-թամանակ իմ ազգի ընթերցողների աչքին դարձնուելով, աւելի իմաստուններ — եթէ իրենց հաճելի թուի — լրացնելով իմ գրքի թերութիւնները, ջանան գործադրել» (38) — ահա՛ «Որ. Փառացի»ի գրութեան իսկական շարժառիթն եւ այն համեստ նպատակը, որ հետզհետէ դնում է նրա առջեւ :

Եւ շատ երջանիկ պիտի համարի իրեն, եթէ իր գիրքն այդ ծառայութիւնը մատուցանի իր ազգին . «Իմ աչքի լոյսը եւ իմ սրտի սիրելին կը լինի նա, որը նախանձելով իմ գրքին, իր սրտի նախանձից դուրսով եւ սիրով կը լցուի եւ իմաստութեամբ կը շարագրի այն ամէնը, որով հնարաւոր է վերկել հայ ազգը ծառայութիւնից եւ մեզ դարձնել երջանիկ ու արժանի մեր նախահայրերի որդեգրութեան» (124) :

Ու նա համոզուած է, որ հայ ազգի մէջ կը գտնուի «իմաստուն եւ ճարտարապետ մէկը,

որը տեսնելով «Որոգ. Փառաց»ը, ինքն էլ կը ձգտի դէպի ազատութեան ճանապարհը եւ կը կարողանայ շարագրել մի գործ հազարապատիկ գերազանց, քան իր գիրքը» (23) :

ԱԶԳԻ ԹՇՈՒՄԱՌ ՎԻՃԱԿԸ ԵՒ ՊԱՏՃԱՌՆԵՐԸ

Հայաստանի վիճակը ընդհանրապէս չափազանց մոռյլ դոյնելով է ներկայանում մեր հեղինակին : Ոչ միայն ներկայում, այլ եւ անցեալում շատ քիչ մխիթարական բան է գտնում նա : Աւելի . մինչեւ իսկ այն շրջանում, երբ հայերն անկախութիւն ունէին եւ իրենք էին իրենց երկրի — ինչպէս ինքն է ասում — տէրն ու թագաւորը, անգամ այդ շրջանում պատկերը շատ մոռյլ է նրա համար : Ճիշդ է, այդ ընդհանուր Փօնի վրայ երբեմն-երբեմն լուսաւոր կէտեր եւս նկատում է նա, սակայն շատ հազուադէպ, ինչպէս ովազիսը անպատմներում :

Աւելի սղբայի, ուղղակի յուսահատական է երեւում պատկերը յետ-անկախութեան շրջանում, այսինքն՝ այն 400 տարուան ժամանակում, որ նա հաշուում է Ռուբինեանց անկումից մինչեւ իր օրերը : Երկիրը անտէրունչ, քայքայուած եւ անկարող ինքն իրան պաշտպանելու : Նրա դուները լայն բաց են բոլոր թշնամիների առջեւ, որ դալիս են ամէն կողմերից : Բազմաթիւ բարբարոս ու թափառական ցեղեր, անապատից ծնած, փոթորկի նման դալիս եւ անցնում են նրա վրայով, աւեր, արիւն եւ ամայութիւն ձգելով իրենց յետեւից : Երկիրը վեր է ածուած մի դժոխքի, ուր ժողովուրդը դազար շունի, գլուխը դնելու սեղ շունի : Շատերը լեռների ու ծերպերի մէջ են թաքնուում . շատերն էլ իրենց փրկութիւնը որոնում են օտար հորիզոնների տակ, դաղթականութեան մէջ : Մարդիկ փախչում են իրենց հարազատ օջախներից եւ ապաստան են փնտրում անձա՛նօթ վայրերում, ուր «մեր երկրի արջերը միայն կարող են բնակուել», ուր հայ մարդը յաճախ «տեղ չի գտնում իր մեռելը թաղելու համար» (99) :

Կարճ . ազգի դրութիւնը աննախընթաց է — այդ հասկացողութեան ամենալայն իմաստով : Ով ուժեղ է՝ նրա տէրն է եւ ինչ ուզենայ՝ կ'անի : Իրերի այսպիսի վիճակը նա շատ դեղեցիկ, բայց ուսմիօրէն նկարագրում է այսպէս . «Նդաք իբր ձի ի տան շափառի պտտրաս-